

К ОПУБЛИКОВАНИЮ

КОМИ РЕСПУБЛИКАЛӦН ОЛАНПАС

**«Княжпогост» муниципальной районса муниципальной юкӧнӧ
пырысь став овмӧдчӧминсӧ «Княжпогост» муниципальной кытшса
муниципальной юкӧнӧ найӧс ӧтувтӧмӧн вежӧм да такӧд йитӧдын
«Коми Республикаын меставывса асвеськӧдлӧмсӧ
мутас серти котыртӧм йылысь» Коми Республикаса Оланпасӧ
вежсьӧмъяс пыртӧм йылысь**

Примитӧма Коми Республикаса
Каналан Сӧветӧн

2024 вося косму тӧлысь 24 лунӧ

Тайӧ Оланпасӧн «Россия Федерацияын меставывса асвеськӧдлӧмсӧ котыртан ӧтувъя принципъяс йылысь» Федеральной оланпаслӧн 13 статья, 34 статьялӧн 5 юкӧн, «Коми Республикаын административно-территориальной да муниципальной тэчасног юалӧмъяс решитан пӧрадок йылысь, географической да мукӧд объектлӧн нимъяс йылысь» Коми Республикаса Оланпаслӧн 5 статьяса 1 юкӧн, 28³ статья подув вылын «Княжпогост» муниципальной районлӧн муниципальной юкӧнса Сӧветлӧн водзмӧстчӧм серти «Емва», «Синдор» кар овмӧдчӧминъясса да «Йоссер», «Мещура», «Тракт», «Чимиавӧрӧк», «Серегов», «Турья», «Сьӧська» сикт овмӧдчӧминъясса муниципальной юкӧнъясса олысьяслӧн сӧгласлун серти, кутшӧмӧс петкӧдлӧны индӧм овмӧдчӧминъяслӧн бӧрйӧм органъяс да «Княжпогост» муниципальной районса муниципальной юкӧнлӧн бӧрйӧм орган, ӧтувтчӧны «Княжпогост» муниципальной районса муниципальной юкӧнӧ пырысь «Емва», «Синдор» кар овмӧдчӧминъясса, «Йоссер», «Мещура», «Тракт», «Чимиавӧрӧк», «Серегов», «Турья», «Сьӧська» сикт овмӧдчӧминъясса муниципальной юкӧнъяс, мукӧд муниципальной юкӧнлысь мудоръяссӧ вежтӧг, да такӧд йитӧдын пыртӧны вежсьӧмъяс «Коми Республикаын меставывса асвеськӧдлӧмсӧ мутас боксянь котыртӧм йылысь» Коми Республикаса Оланпасӧ, а сідзжӧ урчитсьӧны медводдзаысь бӧрьян бӧрйӧм органӧ пырысь депутатъяслӧн лыдыс да уджмогъяс збыльмӧдан кадколастыс да выльысь артмӧдӧм муниципальной юкӧнса медводдза юралысьӧс бӧрьян пӧрадокыс, сылӧн уджмогъясыс, уджмогъяс збыльмӧдан кадколастыс.

1 статья

1. Федеральной оланпастэчас серти вежны «Емва», «Синдор» кар овмӧдчӧминъяслысь, «Йоссер», «Мещура», «Тракт», «Чимиавӧрӧк», «Серегов», «Турья», «Сьӧська» сикт овмӧдчӧминъяслысь муниципальной юкӧнъяссӧ, кутшӧмъяс пырӧны «Княжпогост» муниципальной районса муниципальной юкӧнӧ, Коми Республикаын выльысь артмӧдӧм

«Княжпогост» муниципальной кытшлөн муниципальной юкөнö найöс öтүвтöмөн.

2. Тайö статьяса 1 юкөн серти выльысь артмөдöм муниципальной юкөнлы сетны муниципальной кытшлысь статус.

3. Выльысь артмөдöм муниципальной юкөн лöсьöдан лунөн, кутшöмöс индöма тайö статьяса 1 юкөннын, лоö тайö Оланпаслөн вынсялан лун.

4. «Княжпогост» муниципальной районса муниципальной юкөн да сэтчö пырысь «Емва», «Синдор» кар овмөдчöминьясса муниципальной юкөнъяс, «Йоссер», «Мещура», «Тракт», «Чимиавөрök», «Серегов», «Турья», «Сьöська» сикт овмөдчöминьяс воштöны муниципальной юкөнъяслысь статуссö выльысь артмөдöм муниципальной юкөн лöсьöдан лунсянь, кутшöмöс индöма тайö статьяса 1 юкөннын.

5. «Княжпогост» муниципальной кытшлөн выльысь артмөдöм муниципальной юкөнса меставывса асвеськөдлан органьяс Коми Республикаын асланыс компетенция серти лоöны муниципальной юкөнъяслөн меставывса асвеськөдлан органьяслысь инöд босьтысьясөн, кодьяс тайö статьяса 1 юкөннын индöм выльысь артмөдöм муниципальной юкөн артмөдан лун вылö збыльмөдiсны лöсялана мутасын меставывса тöдчанлуна юалöмьяс решитöм серти уджмогьяссö. Инöд босьтöмкөд йитчöм юалöмьяссö видлалöны «Россия Федерацияын меставывса асвеськөдлöмсö котыртан öтүвя принципьяс йылысь» Федеральной оланпас серти.

2 статья

Индыны Коми Республикаын выльысь артмөдöм «Княжпогост» муниципальной кытшлөн муниципальной юкөнса административнöй шöринөн районнöй тöдчанлуна Емва кар.

3 статья

Пыртны «Коми Республикаын меставывса асвеськөдлöмсö мутас боксянь котыртöм йылысь» Коми Республикаса Оланпасö (Коми Республикаса канму власьт органьяслөн индöд-тшöктöмьяс, 2005, 11 №, 4103 ст.; 2006, 1 №, 4194 ст.; 4 №, 4360 ст.; 6 №, 4461 ст.; 2007, 1 №, 4651 ст.; 4677 ст.; 9 №, 4984 ст.; 2008, 2 №, 3 ст.; 9 №, 424 ст.; 12 №, 722 ст.; 723 ст.; 726 ст.; 2009, 16 №, 262 ст.; 2010, 22 №, 517 ст.; 2011, 37 №, 986 ст.; 987 ст.; 988 ст.; 989 ст.; 2012, 7 №, 169 ст.; 21 №, 475 ст.; 22 №, 488 ст.; 2014, 13 №, 211 ст.; 35 №, 724 ст.; 2015, 23 №, 333 ст.; 2016, 10 №, 116 ст.; 2017, 9 №, 155 ст.; 156 ст.; 157 ст.; 21 №, 355 ст.; 2018, 7 №, 124 ст.; 14 №, 244 ст.; 2019, 7 №, 89 ст.; 18 №, 273 ст.; 2021, 10 №, 210 ст.; 211 ст.; 212 ст.; 17 №, 302 ст., 309 ст.; 18 №, 331 ст.; 2022, 5 №, 45 ст.; 15 №, 222 ст.; 2023, 1 №, 7 ст.; 8 ст.; 9 ст.; 4 №, 52 ст.; 5 №, 75 ст.; 6 №, 103 ст.; 10 №, 196 ст.; 2024, 1 №, 11 ст.; 13 ст.) татшöм вежсьöмьяс:

1. 12 статья гижны тадзи:

«12 статья. Княжпогост району

муниципальной юкӧнлӧн мутас

Княжпогост районлӧн став административной мутасын (водзӧ – Княжпогост районлӧн мутас) артмӧ муниципальной кытшлӧн ӧтувья муниципальной юкӧн.».

2. 12 юрпаслысь нимсӧ гижны тадзи:

«12 ЮРПАС. КНЯЖПОГОСТ РАЙОН МУТАСЫН МУНИЦИПАЛЬНОЙ ЮКӦНЛӧН ТЭЧАС, СТАТУС, АДМИНИСТРАТИВНОЙ ШӦРИН ДА МУДОРЪЯС».

3. 42 статья гижны тадзи:

«42 статья. Княжпогост районлӧн мутасын ӧтувья муниципальной юкӧн

1. Княжпогост района мутасын муниципальной кытшлӧн ӧтувья муниципальной юкӧнӧ пырӧны Емва районной тӧдчанлуна кар, Синдор кар кодъ посёлок, Брусничной, Ветью, Вожаель, Йоссер, Кывтыва, Ляй, Малиновка, Мӧсью, Мещура, Ракпас, Ропча, Сімва, Тракт, Чернореченской, Чимиаврӧк, Чуб, Шомвуква сикт кодъ посёлокъяс, Княжпогост, Серегов, Турья, Сьӧська сиктъяс, Анюша, Весыва, Катыд Тыла, Йӧвдін, Злоба, Катыдпом, Керӧс, Козлорд, Кони, Косъ, Кыркӧтш, Луг, Ляй, Кывтыд Тыла, Турьяыб, Петкоя, Политов, Пӧлӧвник, Рак, Синдор, Шӧр Тыла, Удор, Часадор грездъяс.

2. Княжпогост районлӧн мутасын муниципальной юкӧнлӧн эм муниципальной кытшлӧн статус.

3. Княжпогост районлӧн мутасын муниципальной кытшса муниципальной юкӧнлӧн административной шӧринӧн лоӧ Емва районной тӧдчанлуна кар.

4. Княжпогост районлӧн мутасын муниципальной кытшса муниципальной юкӧнлӧн эмӧсь мудоръяс, кутшӧмъясӧс картография боксянь опишитӧмыс вайӧдӧма «Княжпогост районлӧн мутасын муниципальной кытшса муниципальной юкӧнлысь мудоръяссӧ картография боксянь опишитӧм» тайӧ Оланпас дорӧ 20 содтӧдын».

4. 42¹, 42⁴ – 42⁷, 42⁹ – 42¹² статьяяс киритны.

5. 20 содтӧд гижны тайӧ Оланпас дорӧ содтӧд серти.

6. 20¹, 20⁴ – 20⁷, 20⁹ – 20¹² содтӧдъяс киритны.

4 статья

1. Индыны депутатъяслысь лыдсӧ, кодъясӧс бӧрйӧны Коми Республикаын выльысь артмӧдӧм «Княжпогост» муниципальной кытшлӧн муниципальной юкӧнса медводдзаысь бӧрьян бӧрйӧм органӧ, – 16 депутат.

2. Индыны Коми Республикаын выльысь артмӧдӧм «Княжпогост» муниципальной кытшлӧн муниципальной юкӧнса медводдзаысь бӧрьян бӧрйӧм органса депутатъяслӧн уджмогъяслысь кадколастсӧ – 5 во.

3. Коми Республикаын выльысь артмӧдӧм «Княжпогост» муниципальной кытшлӧн муниципальной юкӧнса бӧрйӧм органысь

медводдза заседаниесö чукуртö выльысь артмöдöм муниципальной кытшлöн муниципальной юкöнса бöрйысьöмъяс котыртысь бöрйысян комиссия выльысь бöрйöм муниципальной кытшса муниципальной юкөнлөн бöрйöм органса урчитöм депутат лыдысь кык коймöд пайысь абу этшаджыкöс бöрьян лунсянь 30 лунысь оз сёрджык.

5 статья

1. Коми Республикаын выльысь артмöдöм «Княжпогост» муниципальной кытшса муниципальной юкөнлөн медводдза юралысьыс бöрйысьö Коми Республикаын выльысь артмöдöм «Княжпогост» муниципальной кытшса муниципальной юкөнлөн бöрйöм органön конкурслөн бортасъяс серти конкурсса комиссияön сетöм кандидатъяс лыдысь да öттшöтш юрнуöдö меставывса администрацияön (муниципальной юкөнса олöмö пöртысь-тшöктысь органön).

2. Индыны Коми Республикаын выльысь артмöдöм «Княжпогост» муниципальной кытшлөн муниципальной юкөнса медводдза юралысьön уджмогъяс збыльмöдан кадколастсö – 5 во.

3. Коми Республикаын выльысь артмöдöм «Княжпогост» муниципальной кытшлөн муниципальной юкөнса юралысьлөн уджмогъясыс збыльмöдсöны «Россия Федерацияын меставывса асвеськöдлöмсö котыртан öтувъя принципъяс йылысь» Федеральной оланпас серти.

6 статья

1. Тайö Оланпасыс, 4 да 5 статьяяс кындзи, вынсялö сийöс официальнöя йöзöдан лунсянь дас лун кольöм мысти.

2. Тайö Оланпаслөн 4 да 5 статьясыс вынсялöны сийöс официальнöя йöзöдан лунсянь 45 лун мысти, тайö Оланпас вынсялан лунсянь öти тöлысь чöжөн кö оз шыöдчы выльысь артмöдöм муниципальной кытшлөн муниципальной юкөнса бöрйысян инöда олысьяслөн группа, кодöс котыртöма оланпастэчасön урчитöм пöрадокын, Коми Республикаын выльысь артмöдöм «Княжпогост» муниципальной кытшлөн муниципальной юкөнса меставывса асвеськöдлан органлысь тэчассö индан юалöм серти меставывса референдум нуöдöм йылысь водзмöстчöмөн.

3. Бöрйысян комиссия, кодi котыртö муниципальной кытшлөн выльысь артмöдöм муниципальной юкөннын бöрйысьöмъяссö, вынсьöдö Коми Республикаын выльысь артмöдöм «Княжпогост» муниципальной кытшса муниципальной юкөннын медводдзаысь бöрьян бöрйöм органö депутатъясöс бöрйöм могысь бöрйысян кытшъяслысь схемасö.

7 статья

1. Тайö Оланпас вынсялан лунсянь 2024 вося öшым тöлысь 31 лунöдз бöрьясö пыртöмөн урчитсьö вуджан период.

2. Тайö статьялөн 1 юкөннын индöм вуджан периодö:

1) Коми Республикаса оланпасъяссö да Коми Республикаса мукöд нормативнöя инöда актсö колö лöсьöдны тайö Оланпас серти;

2) котыртöны Коми Республикаын выльысь артмöдöм «Княжпогост» муниципальной кытшса муниципальной юкöнлысь бöрйöм органсö да бöрйöны Коми Республикаын выльысь артмöдöм «Княжпогост» муниципальной кытшлön муниципальной юкöнса юралысьсö, примитöны Коми Республикаын «Княжпогост» муниципальной кытшса муниципальной юкöнлысь подувпуктассö да мукöд муниципальной инöда актсö, а сідзжö ладмöдöны муниципальной юкөнъяс вежöмкöд йитчöм мукöд юалöм;

3) Коми Республикаын выльысь артмöдöм «Княжпогост» муниципальной кытшса муниципальной юкöнын меставывса асвеськöдлан органъяс лöсьöдтöдз Коми Республикаын выльысь артмöдöм «Княжпогост» муниципальной кытшса муниципальной юкөнлön меставывса тöдчанлуна юалöмъяс решитöм серти уджмогъяссö да «Княжпогост» муниципальной районса муниципальной юкөнъяслön да сэтчö пырысь овмöдчöминъяслön мутасъясын сетöм канму уджмогъяссö збыльмöдöны «Княжпогост» муниципальной районса муниципальной юкөнъяслön да сэтчö пырысь овмöдчöминъяслön меставывса асвеськöдлан органъяс, кодъяс Коми Республикаын выльысь артмöдöм «Княжпогост» муниципальной кытшса муниципальной юкөн артмöдан лун вылö збыльмöдiсны тайö мутасъясын меставывса тöдчанлуна юалöмъяс решитöм серти уджмогъяссö;

4) Коми Республикаын выльысь артмöдöм «Княжпогост» муниципальной кытшса муниципальной юкöнын меставывса асвеськöдлан органъяс лöсьöдан лунсянь Коми Республикаын выльысь артмöдöм «Княжпогост» муниципальной кытшса муниципальной юкöнын меставывса тöдчанлуна юалöмъяс решитöм серти уджмогъяссö да тайö Оланпаслön 1 статьяса 1 юкөн серти вежöм муниципальной юкөнъяслön мутасъясын сетöм канму уджмогъяссö збыльмöдöны Коми Республикаын выльысь артмöдöм «Княжпогост» муниципальной кытшса муниципальной юкөнлön меставывса асвеськöдлан органъяс.

Коми Республикаса Юралысь

В.В. Уйба

Сыктывкар

2024 вося косму тöлысь 24 лун

12-РЗ №

«Княжпогост» муниципальной районса
муниципальной юкөнө пырысь
став овмөдчөминсö
«Княжпогост» муниципальной кытшса
муниципальной юкөнө öтувтöмөн
вежöм да такöд йитöдын «Коми
Республикаын меставывса
асвеськöдлöмсö мутас боксянь
котыртöм йылысь»
Коми Республикаса Оланпасö
вежсьöмьяс пыртöм йылысь»
Коми Республикаса Оланпас дорö
содтöд

«Коми Республикаын
меставывса асвеськöдлöмсö
мутас боксянь котыртöм йылысь»
Коми Республикаса Оланпас дорö
20 содтöд

Княжпогост районлөн мутасын
муниципальной кытшса муниципальной юкөнлысь
мудорьяссö картография боксянь опишитöм

Княжпогост районлөн мудорыс заводитчö Мещураса лесхозлөн
Вылыс Емваса лесничествоян 61 кварталлөн рытив-войвыв помсянь.
Водзö мунö асиввывлань 61 – 66 квартальяслөн войвыв мудорьястí 66
кварталлөн асив-войвыв помöдз. Водзö войвывлань 45 да 29 квартальяслөн
рытиввыв мудорьястí 29 кварталлөн рытив-войвыв помöдз. Водзö
асиввывлань 29, 30 квартальяслөн войвыв мудорьястí 30 кварталлөн асив-
войвыв помöдз. Водзö войвывлань 15 да 1 квартальяслөн рытиввыв
мудорьястí 1 кварталлөн рытив-войвыв помöдз. Водзö асиввывлань 1 – 14
квартальяслөн войвыв мудорьястí 14 кварталлөн асив-войвыв помöдз.
Водзö лунвывлань 14, 28, 44, 60, 81, 102 квартальяслөн асиввыв
мудорьястí 102 кварталлөн асив-лунвыв помöдз. Водзö асиввывлань 124 –
130 квартальяслөн войвыв мудорьястí 130 кварталлөн асив-войвыв
помöдз. Водзö лунвывлань Мещураса лесхозлөн Вылыс Емваса
лесничествоян 130, 158, 186, 214 квартальяслөн асиввыв мудорьястí 214
кварталлөн асив-лунвыв помöдз. Водзö асиввывлань Железнодорожной
лесхозлөн Чимавөрöкса лесничествоян 1 – 8 квартальяслөн войвыв
мудорьястí 8 кварталлөн асив-войвыв помöдз. Водзö лунвывлань 8, 16, 30,
44 квартальяслөн асиввыв мудорьястí 44 кварталлөн асив-лунвыв помöдз.
Водзö асиввывлань 59 – 66 квартальяслөн войвыв мудортí 66 кварталлөн
асив-войвыв помöдз. Водзö лунвывлань 66, 88, 110, 132, 152, 172, 192, 212
квартальяслөн асиввыв мудорьястí 212 кварталлөн асив-лунвыв помöдз.

Водзё асыввывлань 230, 231 кварталъяслөн войвыв мудоръясті 231 кварталлөн асыв-войвыв помөдз. Водзё лунвывлань 231, 250, 269, 288 кварталъяслөн асыввыв мудоръясті 288 кварталлөн асыв-лунвыв помөдз. Водзё асыввывлань 296 – 298 кварталъяслөн войвыв мудоръясті 298 кварталлөн асыв-войвыв помөдз. Водзё лунвывлань 298, 308, 318, 328 кварталъяслөн асыввыв мудоръясті 329 кварталлөн войвыв мудорөдз. Водзё асыввывлань 329 – 336 кварталъяслөн войвыв мудоръясті 336 кварталлөн асыв-войвыв помөдз. Водзё лунвывлань 336, 353, 370, 384 кварталъяслөн асыввыв мудоръясті 384 кварталлөн асыв-лунвыв помөдз. Водзё асыввывлань 402 – 407 кварталъяслөн войвыв мудоръясті 407 кварталлөн асыв-войвыв помөдз. Водзё лунвывлань Железнодорожной лесхозлөн Чимавөрөкса лесничестваын 407, 421 кварталъяслөн да Железнодорожной лесхозлөн Ропчса лесничестваын 32, 56 кварталъяслөн асыввыв мудоръясті 56 кварталлөн асыв-лунвыв помөдз. Водзё асыввывлань 81 – 88 кварталъяслөн войвыв мудоръясті 88 кварталлөн асыв-войвыв помөдз. Водзё лунвывлань 88, 118, 148, 176 кварталъяслөн асыввыв мудоръясті 176 кварталлөн асыв-лунвыв помөдз. Водзё рытиввывлань 176 – 161 кварталъяслөн лунвыв мудоръясті 188 кварталлөн асыв-войвыв помөдз. Водзё лунвывлань Железнодорожной лесхозлөн Ропчса лесничестваын 188, 200 кварталъяслөн да Железнодорожной лесхозлөн Синдорса лесничестваын 68, 92, 116, 141 кварталъяслөн асыввыв мудоръясті 141 кварталлөн асыв-лунвыв помөдз. Водзё рытиввывлань 141 – 125 кварталъяслөн лунвыв мудоръясті 125 кварталлөн рытив-лунвыв помөдз. Водзё 124, 149 кварталъяслөн асыввыв мудорті 149 кварталлөн асыв-лунвыв помөдз. Водзё рытиввывлань 149 – 142 кварталъяслөн лунвыв мудоръясті 142 кварталлөн рытив-лунвыв помөдз. Водзё, ёнджикасё лунвывлань, Железнодорожной лесхозлөн Трактса лесничестваын 28, 49 кварталъяслөн асыввыв мудоръясті, 49, 48 кварталъяслөн лунвыв мудоръясті Железнодорожной лесхозлөн Княжпогостса лесничестваын 75 кварталлөн асыв-войвыв помөдз. Водзё лунвывлань 75, 99, 128, 146 кварталъяслөн асыввыв мудоръясті 146 кварталлөн асыв-лунвыв помөдз. Водзё асыввывлань 156, 157 кварталъяслөн войвыв мудоръясті 157 кварталлөн асыв-войвыв помөдз. Водзё лунвывлань Железнодорожной лесхозлөн Княжпогостса лесничестваын 157, 171 кварталъяслөн да Железнодорожной лесхозлөн Кывтывса лесничестваын 13, 25 кварталъяслөн асыввыв мудоръясті 25 кварталлөн асыв-лунвыв помөдз. Водзё 25 кварталлөн лунвыв мудорті 38 кварталлөн асыв-войвыв помөдз. Водзё 38, 56, 74, 91 кварталъяслөн асыввыв мудорті 92 кварталлөн рытив-войвыв помөдз. Водзё 92 кварталлөн войвыв мудорті сылөн асыв-войвыв помөдз. Водзё 92 кварталлөн асыввыв мудорті сылөн асыв-лунвыв помөдз. Водзё рытиввывлань 92 – 81 кварталъяслөн лунвыв мудоръясті 81 кварталлөн рытив-лунвыв помөдз. Водзё войвывлань 81 кварталлөн рытиввыв мудорті 63 кварталлөн асыв-лунвыв помөдз. Водзё рытиввывлань 63 кварталлөн лунвыв мудорті рытив-лунвыв помөдз. Водзё войвывлань 63 кварталлөн

рытиввыив мудорті Емва юлөн шуйга берегкөд вомөнасянінөдз. Водзö Емва юлөн шуйга берегті 1,5 км кывтыдлань. Водзö войвывлань веськыда Емва ю вомөналөмөн, да водзö Айкатыласа лесхозлөн Айкатыласа лесничествоын 24, 12 квартальяслөн асиввыив мудорті Железнодорожной лесхозлөн Сереговса лесничествоын 45 кварталлөн рытив-лунвыив помөдз. Водзö 45 кварталлөн рытиввыив мудорті сылөн рытив-войвыив помөдз. Водзö рытиввыивлань 43 – 38 квартальяслөн лунвыив мудорьясті 38 кварталлөн рытив-лунвыив помөдз. Водзö войвывлань Железнодорожной лесхозлөн Сереговса лесничествоын 38, 30 квартальяслөн рытиввыив мудорьясті 30 кварталлөн рытив-войвыив помөдз. Водзö рытиввыивлань Железнодорожной лесхозлөн Чубса лесничествоын 98 – 86 квартальяслөн лунвыив мудорьясті 86 кварталлөн рытив-лунвыив помөдз. Водзö войвывлань Железнодорожной лесхозлөн Чубса лесничествоын 86, 74, 62, 50, 38, 26, 13, 1 квартальяслөн рытиввыив мудорьясті 1 кварталлөн рытив-войвыив помөдз. Водзö рытиввыивлань Мещураса лесхозлөн Турьяса лесничествоын 157 – 152 квартальяслөн лунвыив мудорьясті 152 кварталлөн рытив-лунвыив помөдз. Водзö войвывлань 152, 129, 105, 83, 57, 31, 15, 1 квартальяслөн рытиввыив мудорті 1 кварталса рытив-войвыив помөдз. Водзö асиввыивлань 1, 2 квартальяслөн войвыив мудорьясті 2 кварталлөн асив-войвыив помөдз. Водзö войвывлань Мещураса лесхозлөн Ветьюса лесничествоын 134, 112, 88, 63 квартальяслөн рытиввыив мудорті 63 кварталлөн рытив-войвыив помөдз. Водзö асиввыивлань 63 – 74 квартальяслөн войвыив мудорті 74 кварталлөн асив-войвыив помөдз. Водзö войвывлань 49, 34, 18, 1 квартальяслөн рытиввыив мудорьясті Мещураса лесхозлөн Турьяса лесничествоын 1 кварталлөн рытив-войвыив помөдз. Водзö рытиввыивлань Мещураса лесхозлөн Мещураса лесничестволөн 602, 601 квартальясса лунвыив мудорьясті 601 кварталлөн рытив-лунвыив помөдз. Водзö войвывлань 601, 582 квартальяслөн рытиввыив мудорьясті 582 кварталса рытив-войвыив помөдз. Водзö рытиввыивлань 562 – 559 квартальяслөн лунвыив мудорьясті 559 кварталлөн рытив-лунвыив помөдз. Водзö войвывлань 559, 536 квартальяслөн рытиввыив мудорьясті 536 кварталлөн рытив-войвыив помөдз. Водзö рытиввыивлань 514, 513 квартальяслөн лунвыив мудорьясті 513 кварталлөн рытив-лунвыив помөдз. Водзö войвывлань 513, 488 квартальяслөн рытиввыив мудорьясті 488 кварталлөн рытив-войвыив помөдз. Водзö рытиввыивлань 462 – 451 квартальяслөн лунвыив мудорьясті 451 кварталлөн рытив-лунвыив помөдз. Водзö войвывлань 451, 413 квартальяслөн рытиввыив мудорьясті 413 кварталлөн рытив-войвыив помөдз. Водзö рытиввыивлань 372 – 366 квартальяслөн лунвыив мудорьясті 366 кварталлөн рытив-лунвыив помөдз. Водзö войвывлань 366, 319, 273, 227, 182, 137, 92, 47 квартальяслөн рытиввыив мудорьясті 47 кварталлөн рытив-войвыив помөдз. Водзö асиввыивлань 47 – 65 квартальяслөн войвыив мудорьясті 1 кварталлөн рытив-лунвыив помөдз. Водзö войвывлань Мещураса лесхозлөн Мещураса лесничествоын 1 кварталлөн рытиввыив мудорті да Мещураса лесхозлөн Вылыс Емваса лесничествоын 357, 331, 305, 279, 247, 215 квартальяслөн

рытиввыв мудорьясті 215 кварталлөн рытив-войвыв помөдз. Водзö асыввывлань 215 – 218 квартальяслөн войвыв мудорьясті 187 кварталлөн рытив-лунвыв помөдз. Водзö войвывлань 187, 159, 131, 103, 82, 61 квартальяслөн рытиввыв мудорьясті петан чутөдз.

Пасйөд. Мудорьяссö опишитöма Мещураса лесхозлысь 1993 вося, Железнодорожнöй лесхозлысь 1993 вося вөр овмөс котыртан да нуөдан материальяссö төд вылө босьтөмөн.».